

Аллоҳ истиғфор айтганларнинг гуноҳини кечиради



19:00 / 11 февраль 1271

مِنْ وَمَا تَلَثَّةٍ ثَالِثُ اللَّهُ إِنَّ قَالُوا أَلَّذِينَ كَفَرُ لَقَدْ

لَيَمَسَّنَ يَقُولُونَ عَمَّا يَنْتَهُوا لَمْ وَإِنْ وَحْدُ إِلَهٌ إِلَّا إِلَهٌ

أَلَيْمُ عَذَابٌ مِنْهُمْ كَفَرُوا أَلَّذِينَ

٧٣

«Албатта, Аллоҳ учтанинг биридир», деганлар батаҳқиқ, кофир бўлдилар. Ягона Илоҳдан ўзга ҳеч қандай илоҳ йўқ! Агар айтаётганларидан қайтмасалар, улардан куфр келтирганларини албатта аламли азоб тутадир» (Моида сураси, 73-оят).

Насроний динидагиларнинг мантиқсиз, ўзлари ўйлаб чиқарган, ҳақиқий диний таълимотни бузиб кўрсатадиган ақийдаларидан бири ушбу оятда муҳокама қилинмоқда. Улар: «Аллоҳнинг табиати бир-бирига тенг учта кўринишдан – Ота худо, ўғил худо ва Муқаддас руҳдан иборатдир. Ўғил худо, яъни Ийсо воситаси ила бутун маҳлуқот Ота худога улашади. Шу билан бирга, ўзларини тавҳид ақийдасида эканларини даъво қиласидилар.

Худди мана шу мантиқсизлик қадимдан насоролар ўртасида турли келишмовчиликларни келтириб чиқарган. Ҳозирги кунда одамларнинг масиҳий динидан четланишида ҳам худди шу сабаб бор. Бир оз ақлинни ишлатган одам бу сафсатани мутлақо қабул қила олмайди. Чунки соғлом ақл далолат қилган нарса:

«Ягона Илоҳдан ўзга ҳеч қандай илоҳ йўқ!»

Бундан бошқа гапни айтиб, бузук эътиқод қилиб юрганлар ботил фикрларидан қайтмоқлари лозим:

«Агар айтаётганларидан қайтмасалар, улардан куфр келтирганларини албатта аламли азоб тутадир».

Бу муқаррар нарса. Бўлажак аламли азобдан ҳамма тириклиқ пайтида қутулиб олиши мумкин. Бунинг учун:

غَفُورٌ وَاللَّهُ وَيَسْتَغْفِرُونَهُ، اللَّهُ إِلَى يَتُوبُونَ أَفَلَا

«Аллоҳга тавба қилиб, Ундан мағфират сўрамайдиларми?! Аллоҳ ўта мағфиратлидир, ўта раҳмлидир» (Моида сураси, 74-оят).

У Зот тавба қилганларнинг тавбасини қабул этади. У Зот истиғфор айтганларнинг гуноҳини кечиради.

Фурсат ўтмасдан аввал, бузук ақийдаларидан қайтиб, тавба қилсинглар, тўғри ақийда бўлмиш Ислом ақийдасига ишонсинглар ва ўтган гуноҳларини кечишини сўраб, Аллоҳга истиғфор айтсинглар.

«Тафсири Ҳилол» китоби асосида тайёрланди